

**Bosna i Hercegovina
Federacija Bosne i Hercegovine
KANTONALNI SUD KANTONA 10
LIVNO**

P R A V I L N I K

**o utvrđivanju postupka i provođenju izravnog sporazuma
radi nabavke roba, pružanja usluga ili izvođenja radova**

Livno, rujan/septembar, 2006. godine

Na temelju članka 47. Zakona o javnim nabavkama Bosne i Hercegovine („Službeni glasnik BiH“ broj: 49/04, 19/05, 52/05, 8/06, 24/06 i 70/06) i članka 1. točka 2. Pravilnika o postupku izravnog sporazuma („Službeni glasnik BiH“ broj: 53/06), predsjednik Kantonalnog suda u Livnu donosi:

P R A V I L N I K
o utvrđivanju postupka i provođenju izravnog sporazuma radi
nabavke roba, pružanja usluga ili izvođenja radova

I – OPĆE ODREDBE

Članak 1.

Ovim Pravilnikom utvrđuje se postupak izravnog sporazumijevanja u kojem Kantonalni sud Livno (u daljem tekstu Sud) prikuplja prijedloge cijena ili ponuda od pojedinačnog dobavljača, davatelja usluga ili izvođača radova (u daljem tekstu ponuđač) i pregovara ili prihvata cijenu kao uvjet za konačan sporazum.

**II – DODJELA UGOVORA ISPOD DOMAĆIH
VRIJEDNOSNIH RAZREDA**

Članak 2.

Sud će na početku godine utvrditi godišnji plan javnih nabavki u skladu sa svojim potrebama i mogućnostima, kojim će se definirati robe i usluge čija nabavka će se izvršiti prema odredbama ovog Pravilnika.

Postupak izravnog sporazumijevanja s pojedinačnim ponuđačem primjeniti će se na ugovore za nabavku roba čija vrijednost ne prelazi 3.000,00 KM.

Članak 3.

Ukupna vrijednost nabavke iz članka 2. Pravilnika ne može prijeći 10 % ukupnih godišnjih novčanih sredstava Suda planiranih za nabavku robe, vršenju usluga i obavljanju radova.

Članak 4.

Putem izravnog sporazuma može se izvršiti nabava slijedećih materijala i usluga:

- sredstva za održavanje čistoće,
- materijal za tehničko održavanje objekta i opreme,
- održavanje i servisiranje i pranje vozila
- osiguranje vozila,
- osiguranje djelatnika.

Pod uvjetima iz članka 2. i 3. ovog Pravilnika postupak izravnog sporazumijevanja primjeniti će se i za materijal i usluge koje nisu predviđene Planom javne nabave za tekuću godinu, ukoliko se radi o materijalu i uslugama čija se nabavka nije mogla unaprijed predvidjeti (kvarovi na instalacijama, hitne intervencije na održavanju zgrade, vozila i opreme i sl.).

Članak 5.

Pravilnik osigurava provođenje izravnog sporazuma na način da se ne favorizira ili diskriminira bilo tko od ponuđača, uz poštivanje principa jednakog tretmana i pristupa svim ponuđačima i transparentnosti u trošenju novčanih sredstava namijenjenih za nabavku robe, vršenju usluga i izvođenje radova.

Članak 6.

Procjenjivanje vrijednosti ugovora vrši se na temelju ukupne vrijednosti koja ne uključuje indirektne poreze i koja je jednaka ukupno netom iznosu naknade. Ukoliko su robe, usluge ili radovi podijeljeni u lotove, od koji je svaki lot predmet posebnog ugovora za određivanje vrijednosnog razreda, koristi se ukupna vrijednost svih lotova.

Vrijednost ugovora procjenjuje se u vrijeme objavljivanja obavještenja o nabavci, odnosno u trenutku započinjanja postupka dodjele ugovora (ukoliko ne postoji obveza obavještavanja).

Kada se vrijednost ugovora procjenjuje na cijenama iz prethodnih sličnih nabavki ili iz istraživanja tržišta, odnosno dobavljačevog kataloga, procjena je važeća u momentu kada se zatraži prijedlog cijena ili ponuda od jednog dobavljača.

Članak 7.

U postupku donošenja odluke o dodjeli ugovora na temelju izravnog sporazuma nakon što se primi ponuda, može se prihvati ili nastaviti dalje istraživanje tržišta dostavom ponuda od najmanje tri dobavljača.

Kad se nastavlja dalje istraživanje tržišta i pozivaju najmanje tri dobavljača nema pregovora o cijeni, a ukoliko se ocijeni da ponude ne zadovoljavaju, bira se

jedan od konkurenčkih postupaka, u skladu sa Zakonom o javnim nabavkama i provedbenim propisima za navedeni Zakon.

Članak 8.

Prikupljanje ponuda vrši se pismenim putem, ali se u svakom konkretnom slučaju mogu prikupiti i u neposrednom kontaktu s ponuđačem (telefonskim putem i sl.), o čemu će biti sačinjena i službena zabilješka.

Prikupljanje ponuda i utvrđivanje prijedloga najpovoljnije ponude vršit će osoba koja obavlja poslove tajnika ili finansijske poslove.

Članak 9.

Svi potencijalni dobavljači bit će na adekvatan način informirani o predmetu nabavke, a ostavit će im se dovoljno vremena da pripreme prijedlog cijena ili pismenu ponudu, zavisno od složenosti i vrste nabavke.

Članak 10.

U postupku ocjenjivanja ponuđene robe, radova ili usluga, pažljivo i objektivno se vrši procjena ponude u skladu s postavljenim zahtjevima, dobrim poslovnim običajem i komercijalnom praksom koja se primjenjuje u oblasti koja je predmet nabavke.

III – PRIHVAĆANJE PREDLOŽENE ILI DOGOVORENE CIJENE I ROK ZA ZAKLJUČIVANJE IZRAVNOG SPORAZUMA

Članak 11.

Dogovorena ili prihvaćena cijena ponuđene robe, radova ili usluga ne može biti viša od odgovarajuće tržišne cijene.

Članak 12.

Zavisno od vrijednosti nabavke koristi se i odgovarajuća dokumentacija ili akt kao znak da je izravno sporazum zaključen.

Vrijednost nabavke je klasificirana prema slijedećim novčanim iznosima:

- do 100,00 KM,
- od 100,00 do 500,00 KM,
- od 500,00 do 3.000,00 KM.

Članak 13.

Za nabavke čija je vrijednost do 100,00 KM izravni sporazum je zaključen kada se priloži paragon blok ili drugi prihvatljiv dokument.

Za nabavke od 100,00 do 500,00 KM ugovoreni odnos nastupa kad se primi originalan račun, faktura ili drugo zakonsko sredstvo plaćanja.

Za nabavke čija je vrijednost od 500,00 do 3.000,00 KM ugovoreni odnos nastupa kad se primi narudžbenica ili zaključi ugovor.

Kada se zaključi ugovor o nabavci s odabranim dobavljačem, ugovor se smatra zaključenim nakon što se primi faktura ili drugo zakonsko sredstvo plaćanja.

Mjesto zaključenja ugovora je sjedište ugovornog organa u trenutku kada je učinjena ponuda.

Članak 14.

Ovaj Pravilnik stupa na snagu danom donošenja.

Broj: 010-0-Su-06-000-325-12
Livno, 15.09.2006. godine

PREDSJEDNIK SUDA,
NEDIM BEGIĆ